

Broj: 03-04-155-13/26
Sarajevo, 09.03.2026. godine

PARLAMENT FEDERACIJE BOSNE I HERCEGOVINE

Zastupnički dom

n/p gosp. Ivanu Miličeviću, tajniku ✓
n/p gđi Dajani Frlić, zastupnici

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primljeno: 03-03-2026			
Org. jed.	Broj	Priloga	Vrijednost
05/1	-02	19	126

Predmet: Odgovor na zastupničku inicijativu

Poštovani,

Sukladno članku 75. Poslovnika o radu Vlade Federacije Bosne i Hercegovine - Prečišćeni tekst ("Službene novine Federacije BiH", br. 6/10, 37/10, 62/10, 39/20 i 67/21), a u svezi s člankom 116. Poslovnika Zastupničkog doma Parlamenta Federacije Bosne i Hercegovine („Službene novine Federacije BiH“, br: 69/07, 2/08, 26/20 i 13/24), u privitku Vam dostavljam akt Federalnog ministarstva obrazovanja i znanosti, broj: 03-34-345-3/26 od 04. ožujka 2026. godine, koji se odnosi na zastupničku inicijativu zastupnice Dajane Frlić.

S poštovanjem,



TAJNIK VLADE
dr. sci. Edita Kalajdžić

Privitak: kao u tekstu

Broj: 03-34-345-3/26
Mostar, 04.03.2026. godine

BOSNA I HERCEGOVINA
FEDERACIJA BOSNE I HERCEGOVINE
VLADA FEDERACIJE BOSNE I HERCEGOVINE
SEKRETARIJAT
Hamdije Čemerlića 2
71 000 Sarajevo

BOSNA I HERCEGOVINA
FEDERACIJA BOSNE I HERCEGOVINE
VLADA
Sarajevo

PRIMLJENO:		05. 03. 2026	
Organizaciona jedinica	Klasifikaciona oznaka	Redni broj	Broj priloga
03-04-		155-13/	2026

PREDMET: Zastupnička inicijativa - odgovor, dostavlja se

VEZA: Vaš akt broj 03-04-155-13/26 od 23.01.2026. godine

Poštovani/e,

Federalno ministarstvo obrazovanja i nauke je zaprimilo vaš akt, broj i datum veze, u prilogu kojeg je dostavljena zastupnička Inicijativa za unapređenje sigurnosti u školama FBiH, koju je na 28. redovnoj sjednici Predstavničkog doma Federacije BiH, održanoj 19.01.2026. godine, podnijela zastupnica Dajana Frlić.

S tim u vezi vas obavještavamo da je Federalno ministarstvo obrazovanja i nauke 04.02.2026. godine svim kantonalnim ministarstvima nadležnim za oblast obrazovanja uputilo akt broj 03-34-345-1/26, a 24.02.2026. godine urgenciju, sa zahtjevom za dostavljanje mišljenja na navedenu zastupničku inicijativu.

Do datuma sačinjavanja ovog akta smo zaprimili odgovore od sljedećih šest ministarstava: Ministarstva obrazovanja, nauke, kulture i sporta Unsko-sanskog kantona, Ministarstva prosvjete, znanosti, kulture i sporta Posavskog kantona, Ministarstva obrazovanja i nauke/znanosti Tuzlanskog kantona, Ministarstva za obrazovanje, nauku, kulturu i sport Zeničko-dobojskog kantona, Ministarstva za obrazovanje, mlade, nauku, kulturu i sport Bosansko-podrinjskog kantona Goražde i Ministarstva za odgoj i obrazovanje Kantona Sarajevo. Zaprimljene odgovore navedenih institucija dostavljamo u prilogu ovog akta.

Federalno ministarstvo obrazovanja i nauke je, također, u proteklom periodu provelo značajne aktivnosti u svrhu poboljšanja sigurnosti u odgojno-obrazovnim ustanovama u Federaciji BiH.

Na prijedlog Federalnog ministarstva obrazovanja i nauke, Vlada Federacije Bosne i Hercegovine je, na 39. sjednici održanoj 1. 8. 2024. godine u Sarajevu, prihvatila „Okrvni plan prevencije i sprečavanja nasilja u odgojno-obrazovnim ustanovama u Federaciji Bosne i Hercegovine“. Navedeni dokument je objavljen na web-stranici Federalnog ministarstva obrazovanja i nauke, a sačinjen je kao sveobuhvatan, interesorni okviri plan prevencije i sprečavanja nasilja u odgojno-obrazovnim ustanovama u Federaciji BiH, s ciljem da posluži kantonalnim ministarstvima obrazovanja kao osnova za izradu kantonalnih akcionih planova u koji će biti integrirane aktivnosti koje se procijene kao prioritetne i potrebne na području kantona, u skladu sa specifičnostima svakog od njih, finansijskim mogućnostima i zakonskim propisima. Također, ovaj dokument je bio osnova za planiranje i realizaciju niza

aktivnosti i programa Federalnog ministarstva obrazovanja i nauke u oblasti prevencije i sprečavanja nasilja u odgojno-obrazovnim ustanovama u Federaciji Bosne i Hercegovine.

Među aktivnostima, koje je Federalno ministarstvo obrazovanja i nauke realiziralo u 2024. i 2025. godini, a koje doprinose realizaciji „Okvirnog plana prevencije i sprečavanja nasilja u odgojno-obrazovnim ustanovama u Federaciji Bosne i Hercegovine“ po značaju izdvajamo sljedeće:

1. Provođenje mjera i aktivnosti iz Okvirnog plana prevencije i sprečavanja nasilja u odgojno-obrazovnim ustanovama u Federaciji BiH;
2. Podrška projektima javnih kampanja s ciljem prevencije i sprečavanja nasilja i unapređenja medijske pismenosti u odgojno-obrazovnim ustanovama i društvu;
3. Podrška učeničkim projektima s ciljem sprečavanja nasilja u odgojno-obrazovnim ustanovama u Federaciji BiH;
4. Podrška projektima poboljšanja inkluzivnosti predškolskog, osnovnog i srednjeg obrazovanja i
5. Podrška projektima o zdravim stilovima života u odgojno-obrazovnim ustanovama u Federaciji BiH.

Prva navedena aktivnost je u 2024. godini provedena kroz Javni poziv za kantonalna ministarstva nadležna za oblast obrazovanja u Federaciji BiH za finansiranje/sufinansiranje programa i projekata iz oblasti predškolskog, osnovnog i srednjeg obrazovanja iz Budžeta Federacije Bosne i Hercegovine, a podržano je 9 projekata prevencije i sprečavanja nasilja u odgojno-obrazovnim ustanovama sa ukupno dodijeljenim sredstvima u iznosu od 177.528,00 KM. U 2025. godini se program „Provođenje mjera i aktivnosti iz Okvirnog plana prevencije i sprečavanja nasilja u odgojno-obrazovnim ustanovama u Federaciji BiH“ proveo kroz Javni poziv za finansiranje/sufinansiranje programa i projekata iz oblasti predškolskog, osnovnog i srednjeg obrazovanja iz Budžeta Federacije Bosne i Hercegovine, a korisnici sredstava su bili osnovne i srednje škole sa područja Federacije BiH (podržano je 8 projekata osnovnih i srednjih škola u ukupnom iznosu od 100.000,00 KM).

Druga aktivnost, odnosno program, pod nazivom „Podrška projektima javnih kampanja s ciljem prevencije i sprečavanja nasilja i unapređenja medijske pismenosti u odgojno-obrazovnim ustanovama i društvu“ se u 2024. i 2025. godini provodio kroz Javni poziv za finansiranje/sufinansiranje programa i projekata iz oblasti predškolskog, osnovnog i srednjeg obrazovanja iz Budžeta Federacije Bosne i Hercegovine. Svrha programa je podizanje svijesti javnosti o važnosti prevencije i sprečavanja nasilja te unapređenje medijske pismenosti u odgojno-obrazovnim ustanovama i društvu. Korisnici sredstava u okviru ovog programa su u 2024. i 2025. godini bili: osnovne i srednje škole, nevladine organizacije (sa sjedištem u Federaciji BiH), produkcijske i medijske kuće. U 2024 godini su kroz navedeni program podržana ukupno 23 projekta u ukupnom iznosu od 328.000,00 KM, dok su u 2025. godini podržana 24 projekta, u ukupnom iznosu od 295.823,00 KM.

Treća navedena aktivnost, tj. program Ministarstva pod nazivom „Podrška učeničkim projektima s ciljem sprečavanja nasilja u odgojno-obrazovnim ustanovama u Federaciji BiH“ se provodio u 2024. godini, a u okviru istog je podržano devet projekata učenika osnovnih i srednjih škola. Ukupan iznos dodijeljenih sredstava za ovaj program je bio 42.004,00 KM.

Četvrta navedena aktivnost, odnosno program Ministarstva pod nazivom „Podrška projektima poboljšanja inkluzivnosti predškolskog, osnovnog i srednjeg obrazovanja“ se provodio u 2024. i 2025. godini kroz Javni poziv za finansiranje/sufinansiranje programa i

projekata iz oblasti predškolskog, osnovnog i srednjeg obrazovanja iz Budžeta Federacije Bosne i Hercegovine. Svrha navedenog programa Ministarstva je poboljšanje uključenosti, uvjeta i kvaliteta obrazovanja u predškolskim ustanovama, osnovnim i srednjim školama za sljedeće grupe djece s posebnim obrazovnim potrebama: djeca sa poteškoćama u razvoju, djeca pripadnika romske nacionalnosti, djeca iz porodica u stanju socijalne potrebe, djeca koja žive u udaljenim ruralnim sredinama i druge ranjive grupe djece, te talentirana i nadarena djeca. Kroz navedeni program je u 2024. godini bilo podržano 15 projekata osnovnih i srednjih škola, te predškolskih ustanova, a ukupan iznos dodijeljenih sredstava je iznosio 136.792,00 KM. U 2025. godini je u okviru navedenog programa podržano 19 projekata odgojno-obrazovnih ustanova, a ukupan iznos dodijeljenih sredstava je iznosio 149.907,00 KM.

Peta navedena aktivnost, odnosno porogram Ministarstva pod nazivom „Podrška projektima o zdravim stilovima života u odgojno-obrazovnim ustanovama u Federaciji BiH“ je u 2024. i 2025. godini, također, realiziran kroz Javni poziv za finansiranje/sufinansiranje programa i projekata iz oblasti predškolskog, osnovnog i srednjeg obrazovanja iz Budžeta Federacije Bosne i Hercegovine. U 2024. godini su kroz ovaj program podržana 32 projekta predškolskih ustanova, osnovnih i srednjih škola i nevladinih organizacija, a ukupan iznos dodijeljenih sredstava je iznosio 149.722,00 KM, dok je u 2025. godini kroz ovaj program podržano 19 projekata u ukupnom iznosu od 149.933,00 KM.

Navedene aktivnosti, odnosno programi Ministarstva, izuzev treće aktivnosti za koju nije vladao dovoljan interes aplikantata, će se nastaviti provoditi i u 2026. godini, kroz Javni poziv za finansiranje/sufinansiranje programa i projekata iz oblasti predškolskog, osnovnog i srednjeg obrazovanja iz Budžeta Federacije Bosne i Hercegovine.

S poštovanjem,



Prilog: - kao u tekstu

Dostavljeno:

- naslovu
- a/a



-03 (pridn.)
Šulic

Broj: 10-34-2155-2/26
Datum, 16. 2. 2026. godine

Federalno ministarstvo obrazovanja i nauke
Ulica Krpića 3A
78000 Mostar

FEDERACIJA BOSNE I HERCEGOVINE
FEDERALNO MINISTARSTVO OBRAZOVANJA I NAUKE

PRIMLJENO:	27. 2. 2026
ORG. JED.	
03-34-345 / 26	

PREDMET: Mišljenje na zastupničku inicijativu gđe Dajane Frlijić, dostavlja se

Poštovani,

nadležno Ministarstvo kontinuirano radi na podizanju sigurnosti nakon nemilih događaja koji su uzdrmali javnost Unsko-sanskog kantona. S početkom drugog polugodišta u školskoj 2024/25. godini, donošenjem Instrukcije o sigurnosnim mjerama u osnovnim školama i Instrukcije o sigurnosnim mjerama u srednjim školama na snagu su stupila nova pravila koja su povećala sigurnost u 49 osnovnih škola i 21 srednja škola na našem Kantonu.

Bezbjednost u školama je prioritet svih nas, a unapređenje sigurnosti u školama putem prepoznavanja najboljih praksi i razvoja konkretnih instrukcija za primjenu, mogu doprinjeti stvaranju bezbjedne i poticajne školske klime za učenike i uposlenike.

Ministarstvo obrazovanja, nauke, kulture i sporta Unsko-sanskog kantona podržava inicijativu zastupnice Dajane Frlijić, da sve škole Federacije BiH uvedu iste ili slične mjere koje je naš Kanton uveo i primjenjuje od 20. 1. 2025. godine.

U prilogu ovog akta dostavljamo vam Instrukciju o sigurnosnim mjerama u osnovnim i srednjim školama na području Unsko-sanskog kantona.


S poštovanjem,

Prilog:

- Instrukcija o sigurnosnim mjerama u osnovnim školama
- Instrukcija o sigurnosnim mjerama u srednjim školama („Službeni glasnik Unsko-sanskog kantona“ broj: 7/25).

Akt obradila: Božana Šimić
Božana Šimić

PO OVLAŠTENJU MINISTRA:
Azra Šulic
Azra Šulic, pomoćnik ministra
u Sektoru za predškolski i osnovni odgoj i obrazovanje,
inkluziju, EU integracije i projekte



Dostavljeno:
- Naslovu
- a/a



Na osnovu člana 68. Zakona o organizaciji organa uprave u Federaciji Bosni i Hercegovini („Službene novine Federacije Bosne i Hercegovine“, broj: 35/05), a u vezi sa članom 8. Zakona o osnovnom odgoju i obrazovanju („Službeni glasnik Unsko-sanskog kantona“ broj: 19/23 i 20/24), ministar Ministarstva obrazovanja, nauke, kulture i sporta d o n o s i

INSTRUKCIJU o sigurnosnim mjerama u osnovnim školama

I. OSNOVNE ODREDBE

1. Ovom Instrukcijom se utvrđuju bliža pravila provođenja sigurnosnih mjera u skladu sa odredbama Zakona o osnovnom odgoju i obrazovanju („Službeni glasnik Unsko-sanskog kantona“; broj: 19/23 i 20/24) koja se odnose ispravnu brigu za dobrobit djece, učenika i zaposlenika i sigurnost u ustanovama i na svim mjestima gdje se obrazuje.
2. Odredbe definirane ovom Instrukcijom odnose se na sve osobe za vrijeme boravka u ustanovama, uključujući učenike, nastavnike, stručne saradnike, roditelje/staratelje i sve druge vanjske posjetitelje, udruženja koja u skladu sa ugovorom o iznajmljivanju školskih prostorija koriste iste, te članove komisije za polaganje vozačkih ispita imenovanih rješenjem Ministarstva obrazovanja, nauke, kulture i sporta (članovi komisije: ispitivači i sekretar).
3. Ustanove su dužne upoznati sve učenike, zaposlenike, roditelje/staratelje i druge vanjske posjetitelje sa odredbama ove Instrukcije.
4. Škola je dužna surađivati sa lokalnom zajednicom na dodatnom osiguranju školskog okruženja.
5. Škola je obavezna provoditi simulacije evakuacije i drugih kriznih situacija najmanje dva puta godišnje (Zakon o zaštiti na radu, „Službene novine Federacije Bosne i Hercegovine“, broj: 79/20).
6. Škola je dužna redovno provoditi sve mjere koje se odnose na protupožarnu zaštitu.
7. Škola je obavezna napraviti popis svih relevantnih hitnih brojeva (policija, hitna pomoć, vatrogasci) i postaviti ih na vidljivo mjesto.
8. Škola koja u svom sastavu ima i područnu/e školu/e dužna je postupati u skladu sa Instrukcijom na svim lokacijama gdje se realizira odgojno-obrazovni proces.

II. ZAKLJUČAVANJE, NADZOR ULAZA, ULAZAK I IZLAZAK IZ ŠKOLE

1. Ustanove su dužne provjeriti, osigurati i tehnički prilagoditi sva ulazna vrata u školski objekat na način da se postave sigurnosne brave/elektronske, interfon/portafon, ugradnja razglasa i videonadzora na ulaz, hodnike i druge zajedničke prostorije ukoliko ih dosad nije bilo.
2. Ulazna vrata škole kao i svi drugi ulazi trebaju biti zaključani tokom cijelog radnog vremena na način da u slučaju potrebe evakuacijski put treba biti označen i da je evakuacijski izlaz omogućen u izvanrednim situacijama.
3. Poslove dežurstva na ulazu u školu u toku radnog vremena obavlja pomoćno-tehničko osoblje u skladu sa članom 44., 45., 46., 47. i 48. Pedagoških standarda i normativa za osnovno obrazovanje („Službeni glasnik Unsko-sanskog kantona“; broj: 20/24) iz domena redovnog rada i poslova po nalogu direktora.



4. Direktor škole je obavezan osigurati raspored rada pomoćno-tehničkog osoblja na poslovima dežurstva radnika na ulazu u školu u toku radnog vremena škole, te raspored istaknuti na ulazu, oglasnoj ploči i zbornici škole.
5. Svi učenici, zaposlenici, roditelji staratelji, vanjski saradnici i vanjski posjetitelji ulaze na glavni ulaz škole na koji i izlaze.
6. U svrhu ulaska učenika u školu prije početka i nakon završetka nastavnog dana, ulazna vrata mogu biti otključana 15 minuta prije početka nastave i 15 minuta nakon završetka nastave, u skladu sa organizacijom rada ustanove.
7. Natpisi na svim vratima sa unutrašnje strane: „obavezno zatvarajte vrata nakon izlaska iz zgrade“.

III. ULAZAK I IZLAZAK RODITELJA/STARATELJA I DRUGIH OSOBA U ŠKOLU

1. Osobe koje dolaze u školu, a nisu zaposlenici škole dužni su se najaviti putem službenog maila ili telefona. O najavljenj posjeti, sekretar škole obavještava dežurnog pomoćnog radnika.
2. Roditelji/staratelji i ostali posjetitelji prilikom ulaska u školu trebaju pričekati vani, a pomoćni radnik pušta ih unutra tek nakon uvida u ličnu kartu ili drugi važeći dokument sa slikom (vozačka dozvola, pasoš) i evidentiranja u knjigu evidencije ulazaka.
3. Roditelji/staratelji mogu ulaziti u školu samo u utvrđenom terminu za roditeljske i individualne razgovore uz prethodnu najavu putem maila ili telefona i na poziv ustanove, o čemu razredni ili predmetni nastavnik obavještava sekretara škole. Sekretar škole je dužan blagovremeno informirati pomoćnog radnika na ulazu o svim posjetama na dan dežurstva i dostaviti mu spisak.
4. Nastavnici koji drže individualne razgovore sa roditeljima/starateljima moraju dolaziti po iste na glavni ulaz i iste ispraćati.
5. U slučaju roditeljskog sastanka, razrednik dočekuje roditelje na ulazu i iste nakon održanog sastanka prati do izlaska iz škole.
6. Roditelji/staratelji prilikom dovođenja i odvođenja djece u školu su obavezni dijete dovesti do ulaza u školu, te čekati ispred škole nakon okončanja nastave. Roditelji/staratelji ne smiju boraviti u prostorijama škole za vrijeme odvijanja odgojno-obrazovnog procesa i ne smiju se nepotrebno zadržavati u vanjskom prostoru (dvorištu) škole.

IV. ULAZAK I IZLAZAK UČENIKA U TOKU ODMORA

Učenicima tokom malog odmora nije dopušteno napuštanje škole, dok za vrijeme velikog odmora nije dopušten izlazak van vanjskih prostora škole (dvorišta). Ukoliko škola nema školsku kuhinju ili organiziranu prodaju užine u prostorijama škole, roditelji su dužni obezbijediti da učenici svoju užinu donose u školu.

V. ZABRANA PROMOCIJA I PRODAJE ROBE I/ILI USLUGA

1. U školi nije dopuštena promocija i prodaja robe i/ili usluga. Prethodno izdate saglasnosti nadležnog Ministarstva, a koje se odnose na prodaju robe ili promociju ovom se Instrukcijom stavljaju van snage.



2. Izuzetno, ova zabrana se ne odnosi na saglasnosti koje je nadležno Ministarstvo dalo a odnose se na prezentacije o zdravlju, preventivne preglede učenika i promociju zdravih životnih stilova.

3. VI. POSTUPANJE KADA SE UOČI NEPRIHVATLJIVO/RIZIČNO PONAŠANJE

1. Neprihvatljivo/rizično ponašanje podrazumijeva ponašanja i rizike utvrđene Protokolom o postupanju u slučaju nasilja koje uključuje djecu („Službeni glasnik Unsko-sanskog kantona“; broj: 35/18) i Pravilnikom o načinu i obliku provođenja odgojno-obrazovne podške i stručnog tretmana „(Službeni glasnik Unsko-sanskog kantona“, broj: 20/21).
2. U slučaju da bilo ko od uposlenika uoči neprihvatljivo ili rizično ponašanje učenika, zaposlenika ili drugih osoba u prostorijama škole a koje ugrožava sigurnost učenika i uposlenika, dužni su o tome odmah obavijestiti direktora škole ili ovlašteno lice.
3. Ukoliko direktor zaprimi takvu vrstu prijave dužan je odmah po saznanju hitno obavijestiti mjesno nadležnu policijsku upravu.

VII. KRIZNI TIM ŠKOLE

1. Škola je u obavezi imenovati krizni tim kojeg čine direktor/ica, pedagog/ica, psiholog (odnosi se na škole koje imaju psihologa), socijalni radnik (odnosi se na škole koje imaju socijalnog radnika), predsjednik Školskog odbora i predsjednik Vijeća roditelja.
2. Direktor rješenjem imenuje krizni tim. Mandat kriznog tima je dvije godine.
3. Krizni tim se sastaje kvartalno ili po potrebi i češće s ciljem procjene sigurnosne situacije i analize potencijalnih sigurnosnih prijetnji.
4. Sastancima kriznog tima mogu (po potrebi) prisustvovati predstavnici Ministarstva, policije, centara za socijalni rad i drugih relevantnih predstavnika.

VIII. ZAVRŠNE ODREDBE

1. Ova instrukcija temelji se na Ustavu Bosne i Hercegovine, Ustavu Federacije Bosne i Hercegovine, Ustavu Unsko-sanskog kantona, Konvenciji o pravima djeteta, zakonskim i podzakonskim aktima Kantona i države Bosne i Hercegovine.
2. Za praćenje i provedbu ove Instrukcije zadužuje se direktor, školski odbor i krizni tim ustanove.
3. Ova Instrukcija stupa na snagu danom donošenja i objavit će se u Službenom glasniku Unsko-sanskog kantona.

Akt obradila: Božana Šimić
Pomoćnik ministra: Azra Šuljić
Sekretar Ministarstva: Albijana Trnavci

MINISTAR
Denis Osmanović, dipl. ecc.

Broj:
Datum, 20. 01. 2025. godine

III - ULAZAK I IZLAZAK RODITELJA/STARATELJA I DRUGIH OSOBA U ŠKOLU

1. Osobe koje dolaze u školu, a nisu zaposlenici škole dužni su se najaviti putem službenog e-maila ili telefona. O najavljenoj posjeti, sekretar škole obavještava dežurnog radnika.
2. Roditelji/staratelji i ostali posjetitelji prilikom ulaska u školu trebaju pričekati vani, a dežurni radnik pušta ih unutra tek nakon uvida u ličnu kartu ili drugi važeći dokument sa slikom (vozačka dozvola, pasoš) i evidentiranja u knjigu evidencije ulazaka.
3. Roditelji/staratelji mogu ulaziti u školu samo u utvrđenom terminu za roditeljske i individualne razgovore uz prethodnu najavu putem e-maila ili telefona i na poziv ustanove, o čemu razredni ili predmetni nastavnik obavještava sekretara škole. Sekretar škole je dužan blagovremeno informirati pomoćnog radnika na ulazu o svim posjetama na dan dežurstva i dostaviti mu spisak.
4. Nastavnici koji drže individualne razgovore sa roditeljima/starateljima moraju dolaziti po iste na glavni ulaz i iste ispraćati.
5. U slučaju roditeljskog sastanka, razrednik dočekuje roditelje na ulazu i iste nakon održanog sastanka prati do izlaska iz škole.

IV - ULAZAK I IZLAZAK UČENIKA U TOKU ODMORA

Učenicima tokom malog odmora nije dopušteno napuštanje škole, dok za vrijeme velikog odmora dopušten izlazak van vanjskih prostora škole (dvorišta).

V - ZABRANA PROMOCIJA I PRODAJE ROBE I/ILI USLUGA

1. U školi nije dopuštena promocija i prodaja robe i/ili usluga. Prethodno izdate saglasnosti nadležnog Ministarstva, a koje se odnose na prodaju robe ili promociju ovom se Instrukcijom stavljaju van snage.
2. Izuzetno, ova zabrana se ne odnosi na saglasnosti koje je nadležno Ministarstvo dalo, a odnose se na prezentacije o zdravlju, preventivne

preglede učenika, promociju zdravih životnih stilova ili promociju visokoškolskih ustanova učenicima završnih razreda srednje škole.

VI - POSTUPANJE KADA SE UOČI NEPRIHVATLJIVO / RIZIČNO PONAŠANJE

1. Neprihvatljivo / rizično ponašanje podrazumijeva ponašanja i rizike utvrđene Protokolom o postupanju u slučaju nasilja koje uključuje djecu („Službeni glasnik Unsko-sanskog kantona“; broj 35/18).
2. U slučaju da bilo ko od uposlenika uoči neprihvatljivo ili rizično ponašanje učenika, zaposlenika ili drugih osoba u prostorijama škole, a koje ugrožava sigurnost učenika i uposlenika, dužni su o tome odmah obavijestiti direktora škole ili ovlašteno lice.
3. Ukoliko direktor zaprimi takvu vrstu prijave dužan je odmah po saznanju hitno obavijestiti nadležnu policijsku upravu.

VII - KRIZNI TIM ŠKOLE

1. Škola je u obavezi imenovati krizni tim kojeg čine direktor, pedagog, psiholog (odnosi se na škole koje imaju psihologa), socijalni radnik (odnosi se na škole koje imaju socijalnog radnika), predsjednik Školskog odbora i predsjednik Vijeća roditelja.
2. Direktor rješenjem imenuje krizni tim. Mandat kriznog tima je dvije godine.
3. Krizni tim se sastaje kvartalno ili po potrebi i češće s ciljem procjene sigurnosne situacije i analize potencijalnih sigurnosnih prijetnji.
4. Sastancima kriznog tima mogu (po potrebi) prisustvovati predstavnici Ministarstva, policije, centara za socijalni rad i drugih relevantnih predstavnika.

VIII - ZAVRŠNE ODREDBE

1. Za praćenje i provedbu ove Instrukcije zadužuje se direktor, školski odbor i krizni tim ustanove.
2. Ova Instrukcija stupa na snagu danom donošenja i objavit će se u „Službenom glasniku Unsko-sanskog kantona“.

Bosna i Hercegovina
Federacija Bosne i Hercegovine
ŽUPANIJA POSAVSKA
Ministarstvo prosvjete, znanosti,
kulture i sporta



Bosnia and Herzegovina
Federation of Bosnia and Herzegovina
POSAVINA CANTON
Ministry of Education, Science
Culture and Sports

Broj: 06-34-126-2/26
Orašje, 12. veljače 2026. god.

20. 2. 2026
PRIMLJENO: 20. 2. 2026
ORG. JED. 03-34-345-1/26

Federalno ministarstvo obrazovanja i znanosti
Mostar

PREDMET: Očitovanje na inicijativu zastupnice u Zastupničkom domu Parlamenta Federacije Bosne i Hercegovine Dajane Frljić, dostavlja se.

Vaš akt broj: 03-34-345-1/26 od 4. veljače 2026. godine

Zastupnica u Zastupničkom domu Parlamenta Federacije Bosne i Hercegovine Dajana Frljić pokrenula je inicijativu za unaprjeđenje sigurnosti u školama Federacije Bosne i Hercegovine.

Odgovor:

Poštovana,

prije svega zahvaljujemo Vam na upućenoj zastupničkoj inicijativi. Ministarstvo prosvjete, znanosti, kulture i sporta Županije Posavske je 15. siječnja 2025. godine donijelo Pravilnik o postupanju škole u slučaju nasilja po kojem su obvezne postupati sve osnovne i srednje škole u Županiji Posavskoj. Također, na početku svake nove školske godine, na sastanku s ravnateljima osnovnih i srednjih škola definiraju se sigurnosne mjere koje će se primjenjivati, a to su, između ostalog, za ovu školsku godinu: na prvom satu razrednog odjela upoznavanje učenika s Pravilnikom o postupanju škole u slučaju nasilja i s njihovim dužnostima ukoliko primijete nasilje, na prvom roditeljskom sastanku upoznavanje roditelja s Pravilnikom o postupanju škole u slučaju nasilja i s njihovim dužnostima ukoliko im djeca prijave nasilje ili ukoliko budu pozvani u školu u svezi nasilja, kontrolirani ulasci nastavnika, roditelja i stranaka u školske objekte, pojačana dežurstva nastavnika, ali i sveukupnog školskog osoblja, svakodnevna provjera školskog dvorišta i unutarnjih prostorija škole prije početka nastave, postavljanje nadzornih kamera u unutrašnjost škole i u krugu škole.

Osim navedenog, u Županiji Posavskoj potpisan je Sporazum o međuresornoj suradnji i koordinaciji u području sprječavanja nasilja i drugih ugrožavajućih ponašanja u obrazovanju na županijskoj razini, a potpisnici Sporazuma su: Ministarstvo prosvjete, znanosti, kulture i sporta Županije Posavske, Ministarstvo unutarnjih poslova Županije Posavske, Ministarstvo pravosuđa i uprave Županije Posavske i Ministarstvo zdravstva i socijalne politike Županije Posavske.

Predmet i svrha međuresorne suradnje je:

-razmjena saznanja o rizičnim, opasnim, dugotrajnim, složenim ili specifičnim okolnostima ili stanjima koja mogu dovesti do ugrožavanja života, sigurnosti i zdravlja ili dobrobiti učenika, ali i



Broj: D-10/1-34-003050-1/26
Tuzla, 24-02-2026 godine

FEDERALNO MINISTARSTVO
OBRAZOVANJA I NAUKE,
Ulica Krpića 3A, Mostar

FEDERACIJA BOSNE I HERCEGOVINE
FEDERALNO MINISTARSTVO OBRAZOVANJA I NAUKE

PRIMLJENO:	3.3.2026
ORG. JED.	
03-34-345-1/26	

PREDMET: Informacija, dostavlja se

Veza: broj: 03-34-345-1/26 od 04.02.2026. godine

Ministarstvo obrazovanja i nauke Tuzlanskog kantona razmatralo je dopis od FEDERALNOG MINISTARSTVA OBRAZOVANJA I NAUKE, Ulica Krpića 3A, Mostar broj: 03-34-345-1/26 od 04.02.2026. godine sa Predmetom: **Inicijativa gđe Dajane Frlić** – dostavlja se, mišljenje, traži se. Ministarstvo je, u saradnji sa Vladom Tuzlanskog kantona, 2023. godine predstavilo **niz pravilnika o kućnom redu i saradnji roditelja i škole** čime je cilj jasno definiranje pravila ponašanja, obaveza učenika i roditelja, te unapređenje prevencije neprihvatljivog ponašanja i maloljetničke delinkvencije u školama Tuzlanskog kantona. Ovi propisi su dio nastojanja da se unaprijedi disciplina i bezbjednost u školskim prostorima. Tokom javnih saopštenja Ministarstvo je poticalo **dosljednu primjenu postojećih protokola o prevenciji i postupku u slučajevima međuvršnjačkog nasilja**, te je tražilo od škola da prijave mjere koje su preduzele po tom pitanju. Ministarstvo je u saradnji sa Pedagoškim zavodom radilo i na unapređenju programa prevencije vršnjačkog nasilja i promociji nenasilne komunikacije.

Ministarstvo obrazovanja i nauke Tuzlanskog kantona u vezi navedenog dopisa daje sljedeće odgovore:

- Nakon razmatranja Informacije o stanju sigurnosti u osnovnim i srednjim školama Tuzlanskog kantona sa posebnim osvrtom na dešavanje u Javnoj ustanovi Osnovna škola „Lukavac grad“ Lukavac, shodno Zaključku Vlade Tuzlanskog kantona broj: 02/1-04-21259/23 od 20.06.2023. godine i Zaključku Skupštine Tuzlanskog kantona broj: 01-02-359-2/23 od 21.06.2023. godine, Vlada Tuzlanskog kantona je Odlukom broj: 02/1-04-15115/23 od 23.06.2023. godine, imenovala interresornu Radnu grupu za analiziranje stanja i pripremu dokumenata i akata s ciljem prevencije maloljetničke delinkvencije i poboljšanja sigurnosti u školama na području Tuzlanskog kantona. U Radnu grupu su imenovani predstavnici Ministarstva unutrašnjih poslova, Ministarstva obrazovanja i nauke, Ministarstva za rad, socijalnu politiku i povratak, Ministarstva zdravstva, Ministarstva pravosuđa i uprave, sindikata zaposlenih u obrazovanju, Savjeta roditelja TK, Kantonalnog tužilaštva, Odgojnog centra Tuzlanskog kantona, Aktiva direktora osnovnih i srednjih škola, Edukacijsko-rehabilitacijskog fakulteta Univerziteta u Tuzli, Filozofskog fakulteta Univerziteta u Tuzli, Pedagoškog zavoda, Klinike za prisihijatriju JZU UKC Tuzla, Foruma direktora centara za socijalni rad Tuzlanskog kantona, te aktiva pedagoga osnovnih i srednjih škola Grada Tuzla.

Kao zadatak interresorne Radne grupe je utvrđeno da, u cilju realizacije predloženih mjera iz Informacije sačinjene od strane Ministarstva obrazovanja i nauke, Ministarstva unutrašnjih poslova i Ministarstva za rad, socijalnu politiku i povratak u vezi sa dešavanjima u Javnoj ustanovi Osnovna škola "Lukavac Grad" Lukavac na dan 14.06.2023. godine, a uzimajući u obzir i sve prijedloge i sugestije koje su iznijeli poslanici na sjednici Skupštine Tuzlanskog kantona povodom razmatranja predmetne Informacije, u roku od 30 dana provede sveobuhvatnu analizu s ciljem detektovanja nedostataka u oblasti obrazovanja, socijalne zaštite, zdravstva, pravosuđa i unutrašnjih poslova, te Vladi Tuzlanskog kantona dostave informacije sa odgovarajućim prijedlogom dokumenata i akata na razmatranje i dalje postupanje, a koji će biti dostavljeni na razmatranje i Skupštini Tuzlanskog kantona. Takođe je utvrđeno da će Radna grupa po ukazanoj potrebi, zatražiti pomoć ili učešće u radu svih onih subjekata za koje procijeni da je njihova pomoć ili učešće neophodno i svrsishodno. Radna grupa je već 30.06.2023. godine održala prvu sjednicu, na koju su se odazvali svi članovi i na kojoj su se zajednički upoznali sa zadatkom koji im je povjerila Vlada i Skupština Tuzlanskog kantona. Zatim je usaglašen način rada Radne grupe, odnosno zaključeno je da je zbog kratkog roka potrebno brzo djelovati, zatim da se na osnovu iskustava u radu i praksi predstavnika svih institucija, uzimajući u obzir predložene mjere iz Informacije sačinjene od strane Ministarstva obrazovanja i nauke, Ministarstva unutrašnjih poslova i Ministarstva za rad, socijalnu politiku i povratak u vezi sa dešavanjima u Javnoj ustanovi Osnovna škola "Lukavac Grad" Lukavac na dan 14.06.2023. godine, kao i prijedloge i sugestije koje su iznijeli poslanici na sjednici Skupštine Tuzlanskog kantona, još jednom analizira trenutno stanje, te na osnovu uočenog predlože mjere i aktivnosti sa nosiocima i rokovima za realizaciju istih. Zaključeno je da se do drugog sastanka pripreme prijedlozi mjera od strane svih predstavnika u Radnoj grupi što je i urađeno. Na drugom sjednici Radne grupe, analizirani su dostavljeni prijedlozi, te je konstatovano da je radi lakšeg praćena, dostavljene prijedloge potrebno grupisati po oblastima obrazovanja, socijalne zaštite, zdravstva, unutrašnjih poslova i pravosuđa. Takođe je zaključeno da je za sveobuhvatnu analizu svih oblasti koje se tiču maloljetničke delinkvencije, te predlaganja određenih mjera i aktivnosti u cilju prevencije maloljetničke delinkvencije i poboljšanja sigurnosti u školama ali i generalno u društvu, uzimajući u obzir utvrđeno stanja i iskustva svih onih koji se u svom svakodnevnom radu bave ovim pitanjima, potrebno puno više vremena, kao i da će neki procesi, odnosno realizacija određenih mjera i aktivnosti zahtjevati puno vremena i zalaganja onih koji će na tome raditi, od dodatne analize, pripreme do realizacije. Zbog navedenog ovdje ističemo da se sada predlažu opće mjere, razvrstane u kratkoročne i dugoročne, a da će se prilikom realizacije istih sigurno dolaziti do raznih zaključaka u smislu potrebe za provođenjem i drugih mjera koje sada definitivno nisu mogle biti predložene, iz čega proizilazi potreba da ova Radna grupa ili neka druga u kontinuitetu bude na dispoziciji Vladi i Skupštini Tuzlanskog kantona, kao i svim ustanovama i institucijama koje su zadužene za realizaciju predloženih mjera i aktivnosti.

U cilju prevencije maloljetničke delinkvencije i poboljšanja sigurnosti u školama na području Tuzlanskog kantona, u nastavku predlažemo mjere i aktivnosti sa navođenjem nosioca realizacije i rokova za postupanje sa kraćim osvrtima na uočene nedostatke i obrazloženjem mjera i aktivnosti, po oblastima kako slijedi:

- OBRAZOVANJE
- UNUTRAŠNJI POSLOVI
- SOCIJALNA ZAŠTITA
- ZDRAVSTVO PRAVOSUĐE

OBLAST OBRAZOVANJA

I – NORMATIVNA DJELATNOST

1) **Donošenje Zakona o izmjenama i dopunama Zakona o osnovnom odgoju i obrazovanju i Zakona o izmjenama i dopunama Zakona o srednjem obrazovanju i odgoju**

Nosilac izrade: Ministarstvo obrazovanja i nauke Tuzlanskog kantona

Status realizacije mjere:

U vezi sa odredbama Uredbe o obezbjeđenju i provođenju odgovarajuće tehničke i fizičke zaštite u osnovnim i srednjim školama Tuzlanskog kantona, prema raspoloživim podacima Ministarstva obrazovanja i nauke Tuzlanskog kantona, primjena predmetne uredbe je u toku te je, 90 škola realizovalo mjeru ugradnja protuprepadne zaštite (panik taster), 82 škole su realizovale fizičku zaštitu objekta škole, a u školama u kojima nije realizovana ova mjera kao temeljni argument zbog kojeg nije realizovana navodi se nedostatak odgovarajućeg kadra – certificiranih zaštitara, te je 117 škola realizovalo mjeru ugradnje i postavljanja videonadzora u objekte škola.

- Zakon o osnovnom odgoju i obrazovanju – prečišćeni tekst (“Službene novine TK”, broj: 10/20, 8/21, 11/21, 22/21, 5/22, 6/22 – presuda US FBiH, 10/22, 11/22, 9/23 – presuda US FBiH, 12/23 i 5/25).
- Zakon o srednjem obrazovanju i odgoju – prečišćeni tekst (“Službene novine TK”, broj: 10/20, 11/20, 8/21, 11/21, 22/21, 5/22, 6/22 - presuda US FBiH, 10/22, 11/22, 9/23, 12/23, 5/25 i 18/25).

2) **Izvršiti izmjene i dopune Pravilnika o disciplinskoj odgovornosti učenika u osnovnoj i srednjoj školi**

Nosilac izrade: Ministarstvo obrazovanja i nauke Tuzlanskog kantona, u saradnji sa Pedagoškim zavodom Tuzlanskog kantona i Aktivom pedagoga Tuzlanskog kantona

Status realizacije mjere:

Pravilnik o disciplinskoj odgovornosti učenika osnovnih škola je donesen i objavljen u "Službenim novinama Tuzlanskog kantona" broj: 18/23, dok je Pravilnik o disciplinskoj odgovornosti učenika u srednjoj školi donesen i objavljen u "Službenim novinama Tuzlanskog kantona" broj: 4/24, čime je mjera u potpunosti realizirana.

- Pravilnik o disciplinskoj odgovornosti učenika u srednjoj školi (“Službene novine TK”, broj: 4/24).
- Pravilnik o disciplinskoj odgovornosti učenika u osnovnoj školi (“Službene novine TK”, broj: 18/23).

3) **Donošenje novog podzakonskog akta o boravku i pravilima ponašanja učenika u osnovnoj školi s akcentom na njihovo pravilno ponašanje općenito**

Nosilac izrade: Ministarstvo obrazovanja i nauke Tuzlanskog kantona, u saradnji sa Pedagoškim zavodom Tuzlanskog kantona i Aktivom pedagoga Tuzlanskog kantona

Status realizacije mjere:

Ova mjera je realizirana donošenjem Pravilnika o kućnom redu u osnovnoj školi i Pravilnika o kućnom redu u srednjoj školi koji su objavljeni u "Službenim novinama Tuzlanskog kantona" broj: 16/23, kao što je detaljnije obrazloženo u prethodnoj informaciji.

- Pravilnik o kućnom redu u osnovnoj školi (broj: 10/1-02-023214-1/23 od 3.10.2023.godine) i Obrazac broj 1. i 2.
- Pravilnik o kućnom redu u srednjoj školi (broj: 10/1-02-023214-3/23) i Obrazac broj 1 i 2.

4) Izmjene Pedagoških standarda i normativa za osnovno i srednje obrazovanje s ciljem poboljšanja efikasnosti dežurstva nastavnika

Donosilac: Ministarstvo obrazovanja i nauke uz saglasnost Vlade Tuzlanskog kantona

Status realizacije mjere:

Mjera nije realizovana obzirom da je Ministarstvo obrazovanja i nauke Tuzlanskog kantona sa aktivima direktora osnovnih i srednjih škola izvršilo analizu predložene mjere, te ustanovilo da postoji veliki broj škola kod kojih, zbog broja uposlenih nastavnika, neće biti moguće osigurati dežurstvo nastavnika tokom izvođenja nastave u školi. Obzirom da je dežurstvo nastavnika izuzetno značajno za siguran boravak učenika u školama, Ministarstvo će, zajedno sa direktorima škola, u narednom periodu raditi na osiguranju adekvatnog dežurstva osoblja škole za vrijeme boravka učenika u školi.

- Pedagoški standardi i opći normativi za osnovni odgoj i obrazovanje ("Službene novine TK", broj: 12/22, 15/22, 11/23, 11/24, broj: 10/1-34-023542-4/24 od 18.09.2024. godine, 5/25 i 15/25)
- Pedagoški standardi i normativi za srednje obrazovanje i odgoj ("Službene novine TK", broj: 12/22, 15/22 i 11/23)

5) Propisati obavezu vođenja evidencije i sadržaj iste s ciljem evidentiranja neželjenih ponašanja učenika

Nosilac aktivnosti: Ministarstvo obrazovanja i nauke Tuzlanskog kantona, u saradnji sa Pedagoškim zavodom Tuzlanskog kantona i Aktivom pedagoga Tuzlanskog kantona

Status realizacije mjere:

Obaveza vođenja evidencije o neželjenim ponašanjima učenika, kao i odgovarajući obrasci predviđeni su novim pravilnicima o kućnom redu čijim donošenjem je realizirana i ova mjera a što je detaljnije obrazloženo u prethodnoj informaciji.

- Pravilnik o saradnji roditelja učenika sa školom u cilju prepoznavanja/prevencije i/ili sprečavanja neprihvatljivog ponašanja učenika osnovnih škola (broj: 10/1-02-023216-1/23 od 3.10.2023. godine).

6) Donijeti Etički kodeks za zaposlenike u osnovnoj škole, te revidirati Etički kodeks za zaposlenike u srednjoj školi

Nosilac izrade: Ministarstvo obrazovanja i nauke Tuzlanskog kantona, u saradnji sa Pedagoškim zavodom Tuzlanskog kantona i sindikatima radnika u osnovnom i srednjem obrazovanju

Status realizacije mjere:

- Etički kodeks zaposlenika u osnovnim školama i Etički kodeks zaposlenika u srednjim školama su objavljeni u "Službenim novinama Tuzlanskog kantona" broj: 4/24 čime je predmetna mjere u potpunosti realizirana te je Radna grupa je neće tretirati u narednim informacijama.
- Etički kodeks zaposlenika u srednjim školama ("Službene novine TK", broj: 1/15, 4/24).

II – OSIGURANJE KVALITETE OBRAZOVANJA

7) Zapošljavanje najboljeg kadra u školama

Donosilac: Ministarstvo obrazovanja i nauke Tuzlanskog kantona, u saradnji sa Pedagoškim zavodom Tuzlanskog kantona i sindikatima radnika u osnovnom i srednjem obrazovanju

Status realizacije mjere:

Mjera je djelimično realizovana, odnosno već preduzeta mjera je zapošljavanje većeg broja zaposlenika u školama na neodređeno vrijeme kako bi se ostvario kontinuitet u radu nastavnika i stručnih saradnika dok mjeru koja se tiče zapošljavanja najsposobnijeg i najboljeg kadra treba u narednom periodu razmotriti i eventualno realizirati kroz uvođenje dodatnih testiranja prilikom prijema zaposlenika, ukoliko ova mogućnost bude realna obzirom na broj pozicija i vremenski period koji je na raspolaganju za provođenje konkursnih aktivnosti.

8) Vršiti adekvatni stručni nadzor i pružati odgovarajuću pomoć nastavnicima, te poboljšati stručno usavršavanje nastavnika

Nosilac: Ministarstvo obrazovanja i nauke Tuzlanskog kantona, u saradnji sa Pedagoškim zavodom Tuzlanskog kantona i drugim partnerima

Status realizacije mjere:

Navedena mjera se kontinuirano realizira odnosno vrši se stručni nadzor nad radom škola i nastavnika kao i organiziraju edukacije nastavnika tokom cijele i svake školske godine.

9) Poboljšati efikasnost u radu škole

Nosilac: Ministarstvo obrazovanja i nauke Tuzlanskog kantona, u saradnji sa Pedagoškim zavodom Tuzlanskog kantona i drugim partnerima

Status realizacije mjere:

Na realizaciji mjere Ministarstvo obrazovanja i nauke Tuzlanskog kantona i Pedagoški zavod Tuzlanskog kantona zajedno sa školama će raditi kontinuirano u tekućoj školskoj godini kao i u narednom periodu.

III – MJERE PREVENCIJE

10) Osigurati sistemske mjere potpore u prevenciji maloljetničke delikvencije i nasilja u školama učenicima, učiteljima, roditeljima/starateljima

Nosilac: Ministarstvo obrazovanja i nauke Tuzlanskog kantona, u saradnji sa Pedagoškim zavodom Tuzlanskog kantona i drugim partnerima

Status realizacije mjere:

Mjera je realizovana obzirom da su Ministarstvo obrazovanja i nauke Tuzlanskog kantona, Pedagoški zavod Tuzlanskog kantona i Društvo pedagoga i psihologa Tuzlanskog kantona pred početak školske 2023/2024. godine organizirali niz stručnih usavršavanja za direktore, pedagoge i predsjednike stručnih aktiva osnovnih i srednjih škola. Seminari su za cilj imali jačanje kompetencija kod nastavnika s ciljem prevencije neprihvatljivih ponašanja kod učenika.

Tematski blokovi na edukacijama odnosili su se na rad sa učenicima, na međuljudske odnose u školama, jačanje tzv. didaktičkog trokuta učenik – nastavnik - roditelj, fer i korektnim odnosima u smislu razmjene informacija, komunikacije, obraćanja od strane nastavnika i roditelja sa velikom dozom empatije, poštivanja i uvažavanja jer su radi o partnerima u obrazovanju.

Pravilnicima o kućnom redu u osnovnim i srednjim školama propisana je obaveza škola da, u cilju prevencije nasilja i sprečavanja neprihvatljivog ponašanja, za učenike i roditelje periodično organizuju edukacije. Osnovne i srednje škole su dostavile Ministarstvu podatke o realizovanim radionicama za roditelje i učenike koje su bile usmjerene na prevenciju međuvršnjačkog nasilja, nenasilno rješavanje konflikta, razumijevanje i toleranciju, prevenciju zlostavljanja putem interneta, jačanje roditeljskih kompetencija, prevenciju rodno zasnovanog nasilja, uticaj medija na pojavu nasilja, izražavanje osjećaja na društveno prihvatljiv način, kontrola emocija bijesa, stilovi odgoja itd. Manji broj škola nije dostavio informacije o realizovanim aktivnostima u ostavljenom roku dok su uglavnom sve škole koje jesu dostavile izvještaje, njih 106, realizovale veliki broj radionica, više stotina, za učenike na časovima odjeljske zajednice te za roditelje na roditeljskim sastancima a za

što su razredne starješine unaprijed pripremali školski pedagozi/pedagozi-psiholozi. Većina škola će sa aktivnostima održavanja radionica za roditelje i učenike nastaviti i tokom drugog polugodišta ove školske godine.

Svi učenici i roditelji upoznati su sa novim propisima kojima se reguliše kućni red u školi kao i saradnja roditelja i škole po pitanju prevencije nasilja i sprečavanja neprihvatljivog ponašanja učenika.

Program prevencije, intervencije i resocijalizacije u oblasti maloljetničkog prestupništva u Tuzlanskom kantonu za period 2024-2028. godina i imenovan Koordinacioni tim za praćenje realizacije ovog programa, a kojim su obuhvaćene i mjere o kojima izvještava Radna grupa, buduće izvještavanje o navedenim mjerama vršit će se u okviru realizacije Programa, saopćeno je iz Ureda za zajedničke poslove kantonalnih organa TK. (januar 2025)

Tokom 2024. godine policijski službenici održali su 69 edukativnih radionica u 58 osnovnih i srednjih škola, obuhvativši gotovo 3.800 učenika. Sudovi na području TK tokom 2024. godine vodili su postupke protiv 27 maloljetnika, a najčešće izrečene sankcije bile su odgojne mjere pojačanog nadzora roditelja ili nadležnog organa socijalnog staranja. Krivična djela koja se najčešće ponavljaju uključuju posjedovanje i omogućavanje uživanja opojnih droga, krađe, lake i teške tjelesne ozljede, nasilničko ponašanje i nasilje u porodici. (august 2025)

Javna ustanova Odgojni centar TK tokom godine radila je sa 48 maloljetnika – kroz izvršenje izrečenih odgojnih mjera i kroz individualne preventivne tretmane. Centar je također realizirao niz radionica u školama i ustanovama, obuhvativši više od 1.800 učenika, roditelja i nastavnika, s ciljem prevencije vršnjačkog nasilja i rizičnih ponašanja.

Fokus tokom 2024. godine bio je na prevenciji i edukaciji. Hiljade učenika, roditelja, nastavnika i stručnjaka učestvovali su u različitim aktivnostima koje su obuhvatile sve segmente društva. U školama je organizovano 2.923 radionice, dok je edukaciju o toleranciji i nenasilju prošlo 686 obrazovnih stručnjaka. Centri za mentalno zdravlje u Tuzli, Banovićima, Gradačcu i Gračanici realizovali su radionice za oko 2.900 učenika i nastavnika. Odgojni centar TK održao je 65 edukativnih aktivnosti za više od 1.800 učesnika, a policijski službenici MUP-a TK 69 predavanja u 58 škola, obuhvativši 3.798 učenika.

U okviru programa prevencije ovisnosti i maloljetničke delinkvencije, iz budžeta TK izdvojeno je 20.000 KM za projekte deset organizacija, koje su kroz saradnju sa školama doprijele do oko 2.500 korisnika. Ipak, izazovi ostaju. Tokom 2024. evidentirano je 829 prijava nasilja i međuvršnjačkog nasilja, uz 664 izrečene odgojno-disciplinske mjere. Ipak, zabilježen je i pozitivan pomak – broj djece u riziku smanjen je sa 292 u 2023. na 264 u 2024. godini. Više od 1.000 djece i porodica dobilo je psihosocijalnu podršku kroz centre za socijalni rad.

Vlada Tuzlanskog kantona prihvatila je Izvještaj o realizaciji Programa prevencije, intervencija i resocijalizacije u oblasti maloljetničkog prestupništva za 2024. godinu, čime je napravljen prvi evaluacijski korak u okviru petogodišnjeg plana koji se provodi do 2028. godine. Zaključeno je da su u prvoj godini ostvareni značajni pomaci koji potvrđuju ozbiljan i sistemski pristup ovom kompleksnom društvenom problemu. Tokom protekle godine akcenat je bio na preventivnim i edukativnim aktivnostima, koje su obuhvatile hiljade učenika, roditelja, nastavnika i stručnjaka. Program koji objedinjuje prevenciju, edukaciju, ranu intervenciju i resocijalizaciju, već u prvoj godini implementacije pokazuje rezultate. Tuzlanski kanton nastavlja ulagati u sigurno i podržavajuće okruženje za razvoj djece i mladih, šaljući jasnu poruku da ulaganje u njih danas znači sigurnije društvo sutra.

U okviru aktivnosti Ministarstva obrazovanja i nauke Tuzlanskog kantona, edukaciju o toleranciji i nasilju prošlo je 686 prosvjetnih radnika, dok su centri za mentalno zdravlje u više općina radili s oko 2.900 učenika i nastavnika. Odgojni centar TK održao je 65 edukativnih radionica za više od 1.800 učesnika, a MUP TK organizovao je 69 predavanja u 58 škola, na kojima je učestvovalo skoro 3.800 učenika.

Edukativna predstava „Odjek tišine“, nastala u okviru projekta „Scena za prevenciju ilegalnog posjedovanja oružja“, privukla je pažnju mladih širom Tuzlanskog kantona, potičući razgovor o važnim društvenim temama poput međuvršnjačkog nasilja, mentalnog zdravlja i rizika koje nosi neodgovorno i ilegalno posjedovanje oružja.

Predstavu, koju je pogledalo više od 2.800 osoba u Tuzli, Lukavcu, Kalesiji, Živinicama i Kladnju, realizovalo je Pozorište mladih Tuzle u saradnji s Udruženjem „Mladi Tuzle“, Srednjom savremeno-umjetničkom školom Tuzla i Centrima za kulturu, uz podršku Razvojnog programa Ujedinjenih nacija (UNDP) u Bosni i Hercegovini.

Projekat je okupio tim od 23 mlade osobe koje su kroz 40 radnih sastanaka i 50 dramskih radionica aktivno sudjelovale u kreiranju predstave. Tokom realizacije provedeno je i istraživanje o nivou informisanosti učenika o temi posjedovanja oružja, koje je obuhvatilo 180 učenika osnovnih i 243 učenika srednjih škola na području Tuzlanskog kantona.

Ministarstvo zajedno sa Pedagoškim zavodom TK prati **provođenje propisanih mjera prevencije i zaštite učenika** u osnovnim i srednjim školama, sa ciljem da se propisi o disciplini i bezbjednosti provode u praksi. Ministarstvo je podržavalo **edukacije učenika kroz projekte i kvizove znanja o sigurnosti i kulturi u saobraćaju** u saradnji sa drugim resorima, što doprinosi i opštoj svijesti o sigurnosti među učenicima. Nakon teškog incidenta u jednoj školi u Lukavcu (gdje je učenik ranio nastavnika), Ministarstvo je isticalo da je **značajno unaprijeđena sigurnost u školama** za svaku novu školsku godinu.

S poštovanjem,


DOSTAVLJENO:

1 x Imenovanim

1 x Evidenciji

1 x Arhivi

AI/AB



23.02.2026.
-03 (pridr.)
Jluis

Bosna i Hercegovina
Federacija Bosne i Hercegovine
ZENIČKO-DOBOJSKI KANTON
MINISTARSTVO ZA OBRAZOVANJE,
NAUKU, KULTURU I SPORT



Bosnia and Herzegovina
Federation of Bosnia and Herzegovina
ZENICA-DOBOJ CANTON
MINISTRY OF EDUCATION,
SCIENCE, CULTURE & SPORT

Broj: 10-34-2256-05/26.
Zenica, 09.02.2026. godine

Federalno ministarstvo obrazovanja i nauke
Dr. Ante Starčevića b.b.
88000 Mostar
n/r ministrice

Bosna i Hercegovina
FEDERACIJA BOSNE I HERCEGOVINE
FEDERALNO MINISTARSTVO OBRAZOVANJA I NAUK

PRIMLJENO: 23. 2. 2026
ORG. JED. 03-34 345-1 / 26

Predmet: Mišljenje, dostavlja se

Postupajući povodom Vašeg akta, broj: 03-34-345-1/26, od 05.02.2026. godine, putem kojeg je traženo mišljenje na poslaničku inicijativu Dajane Frljić, poslanice u Predstavničkom domu Parlamenta Federacije BiH, koja se odnosi na „unapređenje sigurnosti u školama F BiH“ Ministarstvo za obrazovanje, nauku, kulturu i sport Zeničko-dobojskog kantona se očituje kako slijedi:

Postupajući povodom Zaključaka sa 23. (tematske) sjednice Skupštine Zeničko-dobojskog kantona (akt broj: 01-01-4399-4/24, od 15.3.2024. godine) i povodom Informacije Ministarstva unutrašnjih poslova Zenica (akt broj: 08-02-08/1-03-10022/24, od 09.12.2024. godine), a uzimajući u obzir odgovornost škole kao odgojno-obrazovne ustanove u stvaranju kulture koja poštuje osnovna ljudska prava i koja prevenira postojanje bilo kakvih oblika ponižavanja, vrijeđanja, zlostavljanja, fizičkog kažnjavanja, diskriminacije ili nekog drugog neprimjerenog oblika ponašanja, Ministarstvo za obrazovanje, nauku, kulturu i sport Zeničko-dobojskog kantona je već dostavilo **Instrukciju o postupanju svim osnovnim i srednjim školama na području Zeničko-dobojskog kantona** (akt broj: 10-34-20249-1/24, 15.01.2025. godine), koja sadrži sljedeće smjernice:

- Da se “zbog pojave izraženijih i učestalijih neprimjerenih oblika ponašanja među učenicima i nad učenicima, školama preporučuje **pojačan i kontinuiran odgojni rad** nastavnika, razrednika, stručnih saradnika i saradnika, pomoćnika direktora i direktora s učenicima tokom svih oblika odgojno-obrazovnog rada: **redovne nastave, vannastavnih aktivnosti, putem časova odjeljenskih zajednica, kroz individualni ili grupni savjetodavni rad s učenicima, kroz rad vijeća učenika, posjete, izlete, ekskurzije itd.**”;
- Da je “potrebno unaprijediti i **jačati saradnju i partnerstvo s roditeljima/starateljima učenika** putem individualnih savjetodavnih razgovora, putem tzv. “informacija”, kroz kvalitetno realizirane roditeljske sastanke i rad vijeća roditelja u cilju preveniranja i rane identifikacije, otkrivanja i sankcioniranja neprimjerenih oblika ponašanja učenika.”;
- Da je “u cilju kontinuiranog preveniranja neprimjerenih oblika ponašanja učenika potrebno da sve škole realiziraju i unaprijede **Plan i program prevencije neprimjerenih oblika ponašanja učenika** koji je dio godišnjeg programa rada škole, a u cilju ujednačenog postupanja u slučajevima nasilja potrebno je obavezno postupati prema **Protokolu o postupanju u slučajevima nasilja** (akt broj: 10-38-13223/18 od 29.08.2018. godine) i **Smjernicama za prevenciju, prepoznavanje i zaštitu od diskriminacije u osnovnim i srednjim školama na području Zeničko-dobojskog kantona** („Službene novine Zeničko-dobojskog kantona“, broj: 6/24).“;
- Da je „potrebno **pojačati pedagoški rad i nadzor nad učenicima** koji učestalije ispoljavaju neprimjerene oblike ponašanja u školi i školskom dvorištu, a roditelje/staratelje istih češće pozivati na saradnju, te uspostaviti načine hitne komunikacije u slučaju nedolaska učenika, neprimjerenog ponašanja ili drugih mogućih situacija u školi. Također, potrebno je intenzivirati saradnju s centrima za socijalni rad, centrima za mentalno zdravlje, lokalnim policijskim

- stanicama, pravosudnim institucijama, širom društvenom zajednicom s ciljem razvijanja svijesti o nasilju u društvu i poticanju saradnje na suzbijanju ovih pojava.“;
- Da su “u cilju stvaranja što sigurnijeg okruženja za učenike i radnike, direktori škola dužni **pojačati model kontrole pristupa školskim prostorijama, a što podrazumijeva: zaključavanje i nadzor ulaska u školu (učenika, roditelja i drugih posjetilaca) od strane radnika škole, kontrolu ulaska i izlaska tokom odmora, provjera razloga posjete školi, i to isključivo od strane radnika škole. Direktori su obavezni osigurati dežurstvo radnika na ulazu te pojačati realizaciju dežurstva nastavnika tokom cijelog radnog vremena.”;**
 - Da “fokus treba biti na jačanju odgojne komponente škole u okviru svih oblika odgojno-obrazovnog rada s učenicima, na osiguranju potpune kontrole ulaska i izlaska u školske prostorije od strane radnika škole tokom cijelog radnog vremena, na pojačanom dežurstvu nastavnika, na jačanju saradnje među radnicima škole i jačanju saradnje sa roditeljima/starateljima učenika u cilju pružanja profesionalne i neophodne podrške i pomoći roditeljima/starateljima u odgajanju i obrazovanju njihove djece/naših učenika, kao i da o svim poduzetim aktivnostima škola je obavezna uredno voditi svu potrebnu evidenciju.“

Shodno navedenom, Ministarstvo za obrazovanje, nauku, kulturu i sport Zeničko-dobojskog kantona naglašava da su škole odgojno-obrazovne ustanove u kojima se kroz cjelokupan odgojno-obrazovni rad s učenicima i njihovim roditeljima kontinuirano naglašava važnost i poklanja neophodna pažnja temama koje doprinose zaštiti zdravlja djece i mladih, te poduzimaju mjere u cilju razvoja zdravih stilova života kod učenika i prevencija svih oblika diskriminacije ili nasilja. Škole na području Zeničko-dobojskog kantona, u skladu sa definiranim propisima i programima, kontinuirano djeluju u svim situacijama koje trebaju naglašeno pedagoško djelovanje/uplitanje nastavnika/razrednika, stručnih saradnika, te rukovodioca škola u saradnji s roditeljima i/ili po potrebi nadležnim centrima za socijalni rad kao trećim starateljima ili centrima za mentalno zdravlje kao nadležnim ustanovama.


Kako pitanje nasilja/neprijemljenih oblika ponašanja učenika nije samo problem s kojim se suočava obrazovni sektor, neophodno je da kompletna zajednica saraduje po pitanju preveniranja, prepoznavanja i reagiranja na neprijemljene oblike ponašanja, jer jedino na taj način možemo biti sigurni da kontinuirano radimo na rješavanju ovih problema. S tim u vezi, Ministarstvo i osnovne/srednje škole saraduju s drugim ministarstvima, ustanovama za borbu protiv ovisnosti, centrima za mentalno zdravlje, a na lokalnom nivou s centrima za socijalni rad, policijom, pravosudnim institucijama, širom lokalnom zajednicom, roditeljima i učenicima s ciljem razvijanja svijesti o nasilju u društvu i poticanju saradnje na suzbijanju ovih pojava., te s tom saradnjom nastavljamo kad je u pitanju uspostava i revidiranje protokola/pravila kojim bi se smanjio rizik i povećao osjećaj sigurnosti među učenicima, nastavnicima i roditeljima.

S poštovanjem,

DOSTAVLJENO:

1x Naslovu,

1x a/a, 03



Bosna i Hercegovina, Zenica, Kučukovići br. 2

Tel: 032/460-840, fax: 460-842

e-mail min.obrazovanje@zdk.ba

-03 (priđ.) d

FEDERACIJA BOSNE I HERCEGOVINE
 BOSANSKO-PODRINJSKI KANTON GORAŽDE
 MINISTARSTVO ZA OBRAZOVANJE, MLADE, NAUKU I SPORT

16. 2. 2026

03-34-345-1/26

Јединст

BOSNA I HERCEGOVINA
 FEDERACIJA BOSNE I HERCEGOVINE
 BOSANSKO-PODRINJSKI KANTON GORAŽDE
 MINISTARSTVO ZA OBRAZOVANJE, MLADE,
 NAUKU, KULTURU I SPORT

BOSNIA AND HERZEGOVINA
 FEDERATION OF BOSNIA AND HERZEGOVINA
 BOSNIAN-PODRINJE CANTON GORAŽDE
 MINISTRY OF EDUCATION, YOUTH, SCIENCE,
 CULTURE AND SPORT

БОСНА И ХЕРЦЕГОВИНА
 ФЕДЕРАЦИЈА БОСНЕ И ХЕРЦЕГОВИНЕ
 БОСАНСКО-ПОДРИЊСКИ КАНТОН ГОРАЖДЕ
 МИНИСТАРСТВО ЗА ОБРАЗОВАЊЕ, МЛАДЕ,
 НАУКУ, КУЛТУРУ И СПОРТ

Broj: 10-34-647-1/26
 Goražde, 10.02.2026. godine

**FEDERALNO MINISTARSTVO OBRAZOVANJA I NAUKE
 MOSTAR, ULICA KRPIĆA, 3A**

PREDMET: *Odgovor, dostavlja se.-*

Poštovani,

U vezi sa Vašim dopisom broj 03-34-345-1/26 od 04.02.2026. godine, a koji se odnosi na Inicijativu za unapređenje sigurnosti u školama FBiH zastupnice Dajane Frljić, Ministarstvo za obrazovanje, mlade, nauku, kulturu i sport Bosansko-podrinjskog kantona Goražde razmotrilo je naprijed navedenu Inicijativu, te Vas ovim putem obavještavamo da je Ministarstvo za obrazovanje, mlade, nauku, kulturu i sport Bosansko-podrinjskog kantona Goražde poduzelo sve potrebne mjere i radnje, a u cilju unapređenja sigurnosti u školama na području Bosansko-podrinjskog kantona Goražde, kako za učenike tako i za sve uposlenike obrazovnih institucija.

Obrazovne institucije na području Bosansko-podrinjskog kantona Goražde posjeduju Protokle o postupanju škole u situacijama nasilja, također preventivni programi se realizuju na osnovu godišnjeg plana i programa svake škole.


Također, Ministarstvo za obrazovanje, mlade, nauku, kulturu i sport Bosansko-podrinjskog kantona Goražde organizovalo je u toku prošle godine multisektorski sastanak na kojem su učestvovali predstavnici Ministarstva, Pedagoškog zavoda, osnovnih i srednjih škola sa područja Bosansko-podrinjskog kantona Goražde, JU za predškolski odgoj i obrazovanje Goražde, Cenatr za mentalno zdravlje, Cenatr za socijalni rad kao i predstavnici Uprave policije Ministarstva za unutrašnje poslove Bosansko-podrinjskog kantona Goražde, Komisije za obrazovanje, kulturu, informisanje i sport Bosansko-podrinjskog kantona Goražde, te predstavnici Komisije za sigurnost Bosansko-podrinjskog kantona Goražde.

Na naprijed navedenom sastanku svi sudionici sastanka su upoznati sa situacijom sigurnosti u školama, te prihvatili da se zajedničkim snagama radi na unapređenju sigurnosti u školama na području Bosansko-podrinjskog kantona Goražde.

Također, na području Bosansko-podrinjskog kantona Goražde Uprava policije Bosansko-podrinjskog kantona provodi projekat pod nazivom „Rad policije u zajednici“, a isti se pokazao kao primjer dobre prakse i prilika za razgovor sa učenicima.

Na časovima odjeljenskih zajednica kontinuirano se obrađuju teme sigurnosti u školama i školskom okruženju, a u cilju osiguranja škole kao sigurnog mjesta za obrazovanje i razvoj djece.

S poštovanjem!

Akt sačinila:

Nizama Rišljanin

DOSTAVLJENO:
 1. Naslovu
 2. Evidenciji.-





Bosnia and Herzegovina
Federation of Bosnia and Herzegovina

CANTON SARAJEVO
Ministry for Education


Broj:11-06/02-04-3900-1/26
Sarajevo, 10. 02. 2026. godine

FEDERALNO MINISTARSTVO OBRAZOVANJA I NAUKE

Ul. Krpića br. 3A, 88 000 Mostar
n/r ministrici Jasni Duraković

PREDMET: **Odgovor**, dostavlja se

Cijenjeni,



Ministarstvo za odgoj i obrazovanje Kantona Sarajevo (u daljem tekstu: Ministarstvo) je dana 05. 02. 2026. godine zaprimilo zastupničku inicijativu koju je uputila zastupnica **Dajana Frlić**, na 28. redovnoj sjednici Predstavničkog doma Parlamenta Federacije Bosne i Hercegovine, održanoj dana 19. 01. 2026. godine.

Zastupnička inicijativa:

“Inicijativa za unapređenje sigurnosti u školama Federacije Bosne i Hercegovine”.

Odgovor:

Ministarstvo se zahvaljuje na upućenoj inicijativi i informiše Vas da su u školama Kantona Sarajevo već uspostavljeni mehanizmi i mjere usmjerene na unapređenje sigurnosti učenika i zaposlenika u skladu sa Smjernicama/shemama komunikacije multisektorskog postupanja u iznenadnim, kriznim događajima u odgojno-obrazovnim ustanovama u Kantonu Sarajevo, Uputstvom za izradu plana evakuacije u odgojno-obrazovnim ustanovama u slučaju kriznih događaja, kao i u skladu sa članovima 22. i 23. Pravilnika o provođenju mjera odgojno-obrazovne podrške i stručnog tretmana učenika (“Službene novine Kantona Sarajevo”, broj: 33/24).

Također, svaka škola ima izrađen plan evaluacije, koji se redovno prati i unapređuje u skladu sa potrebama škole i specifičnostima školskog okruženja.

Ministarstvo ostaje posvećeno kontinuiranom unapređenju sigurnosti u odgojno-obrazovnim ustanovama, kroz jačanje preventivnih mjera, saradnju nadležnih institucija i stalno praćenje i unapređenje postojećih mehanizama zaštite učenika i zaposlenika.

S poštovanjem,



Dostaviti:
1. Naslovu
2. a/a.



Adresa: Reisa Džemaludina Čauševića 1, 88000 Sarajevo
Tel: + 387 (0) 33 562-128
Web: <http://mo.ks.gov.ba>, E-mail: mo@mo.ks.gov.ba